

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

M. Vitruvii ... De architectura libri decem

**Vitruvius
Frontinus, Sextus Iulius**

Argentorati, 1543

"Cvm divina mens tva et"

[urn:nbn:de:bsz:31-128539](https://nbn-resolving.org/urn:nbn:de:bsz:31-128539)

M. VITRUVII
DE ARCHITECTURA,
LIBER PRIMVS.



VM DIVINA MENS TVA ET
numen, Imperator Caesar, imperio potiretur
orbis terrarum, inuictaq; uirtute cunctis ho
stibus stratis, triumpho uictoriaq; tua ciues
gloriarentur, & gentes omnes subactæ tuum
spectarent nutum, populusq; Romanus & Se
natus liberatus timore, amplissimis tuis cogi
tationibus consilijsq; gubernaretur, non au

debam tantis occupationibus de Architectura scripta, & magnis cogita
tionibus explicata edere, metuens ne nõ apto tempore interpellans, sub
irem tui animi offensionem. Cum uerò attenderem, te non solum de uita
communi omnium curam, publicæq; rei constitutionem habere, sed etiam
de opportunitate publicorũ ædificiorum, ut ciuitas per te non solum pro
uincijs esset aucta, uerum etiam ut maiestas Imperij publicorum ædificio
rum egregias haberet auctoritates, non putauĩ prætermittendũ, quin pri
mo quoq; tempore de his rebus ea tibi ederem: ideo, quòd primum paren
ti tuo de eo fueram notus, & eius uirtutis studiosus. Cum autem concili
um cœlestium in sedibus immortalitatis eum dedicauisset, & Imperium
parentis in tuam potestatem transtulisset, idem studium meum in eius me
moria permanens, in te contulit fauorem. Itaq; cum M. Aurelio, & P.
Minidio, & Cn. Cornelio, ad apparationem balistarũ & scorpionum,
reliquorumq; tormentorum refectionem, fui prestus, & cum eis commo
da accepi, quæ cum primo mihi tribuisti, recognitionem per sororis com
mendationem seruasti. Cum ergo eo beneficio essem obligatus, ut ad exi
tum uitæ non haberem inopiæ timorem, hæc tibi scribere coepi, quòd
animaduerti multa te ædificauisse, & nunc ædificare, reliquo quoq; tem
pore, & publicorum, & priuatorum ædificiorum, pro amplitudine re
rum gestarum, ut posteris memoria traderentur, curam habiturum: con
scripsi per descriptiones terminatas, ut eas attendens, & ante facta, & fu
tura qualia sint opera, per te nota posses habere, namq; his uoluminibus
perui omnes discipline rationes.

A Quid